

蘭州紀畧

賈方通題

欽定蘭州紀畧卷十一

甲申。

上命軍機大臣傳諭阿桂李侍堯曰。昨據阿桂等奏
到圖內。賊匪所佔之華林山並龍尾山緊接蘭州
西南一帶關廂。該處商賈湊集。最爲殷富。而蘭州
省城本小。轉在山下。殊於形勢未協。朕意欲將西
面城垣展寬至此山梁。俾西關一帶民居及現在

賊營佔據之處。一半包入城內。如此跨山臨水。旣足以壯觀瞻。並可以資控制。至河北金城關。逼近黃河渡橋。形勢亦關緊要。將來添設兵丁時。亦應於該處多添兵丁。令將領大員駐扎。似更足資彈壓。且大河南北。聲勢聯絡。於巡緝防守等事。尤爲有益。著傳諭阿桂李侍堯。將此二事入於善後事宜案內。一并妥議具奏。

同日。閩浙總督署浙江巡撫陳輝祖奏言。臣奉

旨查訊王直望在甘肅藩司任內。折收監穀有無通

同舞弊情事。正值王直望自海塘工所進省。料

理應繳銀欸。臣隨傳至署。敬宣

諭旨。據供我自三十九年八月間。到甘肅藩司任。已

在督。臣勒爾謹奏准捐監之後。我詳議規條。原

係收捐本色。後來風聞有折收之事。當經責成

道府查禁。彼時甘肅情形。倉貯頗少。我私心忖度。只要各州縣收捐之後。將監糧照數買足。自然倉貯充裕。隨時奏

聞。見得我辦公有實濟處。這是我討好糊塗的心事。所以既聞有折收情弊。不過責成道府查禁結報。並不會徹底跟究。此卽與通同作弊無異。

已屬罪無可辭。

臣

復詰訊其若非通同分肥。豈

肯明知屬員違例折收。不行嚴叅究辦。王亶望
總稱意在捐多穀多。以致一任通融。辦理並無
分肥入己等語。查王亶望借此分肥。雖堅不承
認。但其縱屬私收折色。咎已難逭。俟楊魁到浙。
臣再會同嚴切審問。如有舞弊分肥情事。卽一
面奏

聞。一面解部治罪。奏入。

上命軍機大臣傳諭阿桂李侍堯陳輝祖楊魁曰。據陳輝祖奏。查訊王亶望在甘肅藩司任內。私收監糧折色一事。既據王亶望供稱。風聞有折色之事。當經責成道府查禁結報。且意在捐多穀多。以致一任通融辦理等語。彼時道府係屬何人。如何假捏結報。王亶望何以並不據實供明。著傳諭陳輝祖再行審訊王亶望。將彼時道府何人。如何私收

捏報各情弊。令其逐一供明覆奏。并傳諭阿桂李侍堯。亦卽將王亶望在甘肅時。結報監糧各道府查案具奏。至捐收監糧。原爲倉儲起見。今旣稱私收折色。仍行買補穀石還倉。且以捐多穀多爲能事。是該省之糧石充足可知。何以每年又須賑卹。卽云各府豐歉不齊。譬如河西各屬被災。或致穀少。則河東各屬豐收地方。百姓自將糧石赴糶。欲

得貴價。此亦流通便民之事。百姓亦自知也。何必
輾轉經手。官吏收買。致令短價勒買。官得便宜。而
民仍受派累。此事理之顯然者。且卽欲收捐。亦當
聽本生自行交納本色。或者捐監之人。不致抑勒
百姓。百姓仍得貴價也。何須官爲包攬。以致弊竇
百出。朕于監糧一事。本爲甘省地瘠民貧。每歲不
惜百十萬賑濟。以惠養窮黎。若以惠民之事。而轉

爲累民之舉。徒令不肖官員借端肥橐。所關甚大。況此事不發則已。今旣經發覺。自應跟求到底。令其水落石出。此事積弊已久。通省大小官員。無不染指有罪。但亦斷不能因罰不及衆。輒以人多不辦爲詞。卽從前之結報。各道府此時已經陞調。人員亦屬無幾。無難治罪。況中外人材不乏。斷無少此數人。便不能辦事之理。此而不嚴行查辦。將何

事不可爲也。著傳諭阿桂李侍堯。務將此事如何舞弊分肥。如何冒銷勒買各情弊。並向來朦混出結之道府。嚴切跟究。據實指名叅奏。倘阿桂等此次稍存瞻徇。代爲擔承。將來別經敗露。伊二人其何以對朕耶。

戊子。阿桂李侍堯奏言。查逆犯馬復才所供。八蜡廟有樓房九間。上下多是賊人糧草一節。今

八蜡廟已圍在官兵木柵之外。該處並無樓房。亦無賊人存貯糧草。至賊營所踞。周圍不過半里。並無草束堆積。其糧食俱口袋盛貯。藏於地穴。火彈既不能及。而所支帳房。半屬虛設。賊人亦多不在內居住。且被我兵每日鎗礮環擊。俱經破毀。是以前次雖經製造火箭數十枝。尚未施用。至從前燒燬華林寺後樓房屋宇。卽係拋

擲火彈。俟將來逼近賊卡。再行拋擲焚燒。可使潰亂。又奉

諭旨。賊人所挖溝壕。雖屬寬深。或令官兵等填壕而進。賊人必出而抗阻。我兵卽可用鎗箭勦殺。仰見聖明遠照。於現在情形。洞若觀火。臣等實深欽服。查

官兵自六月初一日夜。於賊營南又掣立木柵一層。逐漸進逼。並於木柵內接築礮臺數座。施

礮放鎗。卽欲爲填壕而進之計。數日以來。賊匪
乘夜又挖深坑潛匿。及於卡內藏身。挖孔放鎗。
不敢探身出望。日間亦不敢于近處行走。其爲
派出之好鳥鎗手打倒者。每日七八名。至十餘
名不等。而挖溝掣卡官兵。亦間有受傷者。臣阿
桂與海蘭察明亮。再四籌酌。現離賊溝。尙有數
丈。計於第二層木柵外。接連刨挖人字形溝三

處直逼賊壕。相離不過數尺。復於溝上。拏立木卡三座。令官兵足以蔽身。溝內兩旁安門。可以來往。又於三木卡相間處。通身刨挖成溝。並於柵內填築土臺。用鎗礮在上擊打來擾之賊。然後令官兵於柵內及溝邊。將枝捆土袋拋入賊壕。挑選奮勇官兵屯練。在溝內預備。俟賊壕填滿。卽一擁而進。自可期其得手。惟初六日大雨。

竟夜。勢甚滂霈。初七初八連綿不止。直至初九
日始晴。雖雨止卽行刨挖。而泥水甚大。施力較
難。伏思華林山上。雖絕無水泉。而經此數次大
雨。賊匪承接藏貯。可敷六七日飲用。須再待五
六日。方受渴困憊。而此十餘日內。又安知不雨。
是斷水爲最善最速之策。而目今已覺其緩。惟
有遵照

諭旨指示。俟數日內。木卡掣成。逼近賊溝。填壕而進。

仰仗

聖主威稜。自應一舉集事。奏入。

上命軍機大臣傳諭阿桂李侍堯曰。連日盼望捷音。

及披閱奏函。仍係籌辦情形。且因連遇陰雨。不能

迅速刨挖。而泥水甚大。施力較難。愈深憤懣。想阿

桂亦焦急愈甚。至甘省近日雨水甚多。致逆賊得